



Gij Siengjmuengh Roegdinghgeng

杜鹃的梦想

go ndei dingq he, hawj gyoengqde rox daengz gou dwg duz roegdinghgeng rox ciengq go ndeu, dwg boux cangh-ciengqgo ndeu.

Miz aen niemhdaeuz neix le, roegdinghgeng roengzrengz raixcaix, vih siengjmuengh bae haenqrengz guh.

Ngoenz ciemh ngoenz, roegdinghgeng liz guhbaenz yied daeuj yied gyawj lo.

Roegdinghgeng haisim dangq-maz, hoeng duzromh di cungj yawj mbouj hwnj de, gyoengqde youq raeblaeng riugae roegdinghgeng: “Ndaek neix mingzmingz dwg duzromh, nyengh naeuz swheij dwg roegdinghgeng, lij caen nyinhnaeuz swheij dwg duz roegdinghgeng ndeu, gou yawj, de ciengq gij sing haenx coengzlaiz mbouj dwg singgo, cix

dwg ‘duzromh coemj gaeqlwg’ baz! hahaha!”

Moix baez youq dangqnaj vunz-lai, gyoengqde cungj riugae roegdinghgeng: “Gaej guh fangzhwnzloq lo, couh suenq mwngz caen dwg roegdinghgeng, caen rox ciengq go, hoeng youq ndaw rog ndoi bya fwz neix, gij go mwngz youh miz byawz daeuj dingq ni?”

Saekbaez, roeg iq mbin gvaq loh, gyoengqde hix gienq roegdinghgeng: “Mwngz youq gizneix ciengq go caiq ndei dingq, hix mbouj miz vunz daeuj dingq. Gou yawj mwngz gaej yungh ciengq go lo!”

Roegdinghgeng dauq buek naeuz: “Gou yaek ciengq go, dwg aenvih gou gyaemaij; gou yaek ciengq go, dwg aenvih gou yaekaeu singgo

daeuj cingqmingz gou dwg roegdinghgeng.”

Yienznaeuz duzromh caeuq roeg iq yawjcuij de, hoeng roegdinghgeng lij dwg roengzrengz cuengq sing ciengq go.

Gvaq geijcib bi le, gizneix roeg heuhceuceu, va homfwdfwd, gij roegdinghgeng rox ciengq go haenx ciengxlwenx cungj mbouj lumz duz roegdinghgeng daih’ it son gyoengqde haenx, yaek cingqmingz swheij miz-youq, couh roengzrengz bae guh…… Gyoengq hekyouz daeuj gizneix youz haenx, cungj ndaej dingq nyi gij singgo goksadsad haenx, ndigah, gyoengqvunz haenx gizneix dwg “diegsaenz roegdinghgeng”.

(bouxij Huz Gizcwnz boux-hoiz Goenggen)

Gou Roxdaengz Le Insik Seizgan

我懂得了珍惜时间

Miz baez he, lauxsae buci cozyez mbouj suenq lai. Cuengqhag ma daengz ranz, gou dawz bonjcozyez okdaeuj yaek sij, bingzseiz cij yungh buenq diemj cung roxnaeuz diemj cung he couh sij sat lo, hoeng baezneix gou itmienh guhcaemz itmienh sij, itcig sij daengz gouj diemj buenq, lij miz sam yiengh cozyez caengz ndaej sij. Mwhde, duznon raninz raih hwnjdaeuj lo, gou gamjdaengz gig naet, caenhguenij gou doengh aenndang siengj gyaep duznon raninz bae, hoeng gou lij dwg gig siengj ninz. Yienghneix gou couh hwnj mbonq bae yietnaiq yaep ndeu, mbouj rox seiz lawz, gou couh ninzndaek lo, cigdaengz ndiu daeuj cij fatyienh cozyez caengz sij sat, gou ganjgip roengz mbonq sij cozyez. Daxmeh deng gij sing gou cauz ndiu lo, de byaij daengz henz ndang gou, gig yiemz doiq gou naeuz: “Itmienh guhcaemz itmienh sij cozyez cij sij mbouj liux, danghnaeuz mwngz haetcoz caet diemj cung cij ndiu, mwngz couh mbouj miz seizgan bouj sij cozyez lo, mwngz yaek roxriuj, seizgan ceiq dijbauj, hix ceiq yungzheih saet bae. Baezlaeng mwngz aeu hag rox gaemndaet de.” Dingq vah daxmeh le, gou mbouj eiqseiq

ngaem gyaep roengzdaeuj lo.

Ngoenz daihngieih cuengqhag le, cozyez beij gaxgonq lai di, hoeng gou cagaenij seizgan nyinhcaen sij, cij yungh diemj cung he couh sij sat lo. Cozyez sij sat le, gou hix roxnyinh daengx ndang soengswt lo.

Dwg ha! Seizgan couh lumj fagnaq liz gung haenx, baez nyingz bae couh mbouj dauqma lo, hawj raeuz daj iq couh hag rox insik seizgan ba!


(seiq nienzgaep Cangh Sinh)



Daez suyozy mizyinx

Song Diuz Dienhsienq

两根电线



Daezmoeg Miz song diuz dienhsienq A caeuq B, diuz A raez dwg diuz B 3 boix, dawz diuz A daet bae 80 lizmij, B daet bae 20 lizmij, song diuz dienhsienq lw roengzdaeuj haenx dwg ityiengh raez. Song diuz dienhsienq yienzlaiz gak raez geijlai lizmij?

Faensik caeuq gej Aenvih diuz A raez dwg diuz B 3 boix, dang B daet bae 20 lizmij, A daet bae $20 \times 3 = 60$ (lizmij) seiz, A lw roengz raez wngdang dwg B lw roengz haenx 3 boix.

Danhseih, dang A daet bae 80 lizmij seiz, song diuz dienhsienq lw roengz haenx dwg ityiengh raez. Neix gangjmingz $80 - 60 = 20$ (lizmij) couh dwg A roxnaeuz B lw roengz haenx (3-1) boix. Ndigah A roxnaeuz B lw roengz haenx dwg $20 \div (3-1) = 10$ (lizmij).

A yienzlaiz raez dwg $80 + 10 = 90$ (lizmij), B yienzlaiz raez dwg $20 + 10 = 30$ (lizmij).

(Liuz Genhvang)



Baexmaed Iq Gou

我的小秘密

Ndaw sim giz laeg gak vunz, cungj yo miz di baexmaed, gou hix dwg yienghneix. Aen baexmaed iq gou caeuq aen “haedfwngz cuenqsig” mizgven.

Bi’ gvaq seizcin ngoenz singhgiz ndeu, daengx ranz gou bae camgya le ciengz vaenleix ndeu. Mwh lwggwizmoq hawj bawxmoq dawz hwnj haedfwngz cuenqsig, daxmeh doiq daxboh naeuz: “Yawj vunz dawz haedfwngz, geij vuenyungz ha!” Daxmeh coenz vah neix, gou laeglemx geiq haeuj ndaw sim bae lo. Youq neix gaxgonq, daxmeh hawj gou bauq le banganghginz, Guj lauxsae son ganghginz haenx vih hawj dou ndaej laebdaeb nyinhcaen hag ganghginz, moix baez hwnjdangz seiz, danghnaeuz byawz biujyienh ndei couh ciengj hawj de duj vahoengz iq ndeu, gij vahoengz iq neix rom daengz itdingh soqliengh, couh ndaej vuenh baenz gij doxgaiq swheij maijgyaez haenx. Gou roengzrengz le geij ndwen, dauqdaej yungh gij vahoengz iq rom ndaej neix, vuenh aeu le aen “haedfwngz cuenqsig” bonjfaenh muenghdeq gig nanz haenx daeuj. Ngoenzseng daxmeh ngoenzhaenx, ranz ngamq rongh gou couh benz hwnjdaeuj, siujsim yupyup dawz aen “haedfwngz cuenqsig” cuengq haeuj aen hab iq gyaundeix bae. Caj daengz daxmeh hwnq mbonq, gou gipmuengz dawz faenh saenzcingz neix soengq daengz naj de bae, yienzhaeuh gangj: “Meh, ngoenzseng angqyangz!”

(Couh Swjhwngz sij Ouh Caijfangh hoiz)